

fen wir heutiges tages Zwinglium vnd dergleichen Jesuiten/Widerteuffer/vñ wer sich der reinen Lehre mutwillig entgegen setzt/vnd wir wollen (sagt D. Lutherus seliger) in vnser Bekändnis die Sacraments Feinde beständiglich vnd festiglich vor Gottes vnd vnser abgesagte Feinde halten/vnd nit sampt jnen/Christi Wort leugnen/schenden vñ verkeren.

¶ **V.** Man schon wider die Kezer vnd Heuchler allen gebürlichen Ernst vnd Eifer braucht/so seet der Feind stets Unkraut/was solt denn sein/vnd was geschicht/wenn man stille ist vnd geschweiget/darumb den die Alten rechten Lehrer sich nicht leichtlich im geringsten haben einlassen wollen/als zum Exempel: Da Ioan. Antiochenus dem Nestorio beyfiel/als were er noch nit gnugsam gehöret vnd überwiesen/das er falsch lerete/vnd hette bedencken den Nestorium vnd seine falsche Lehre mit Namen zuwerwerffen/hat Cyrillus in nicht weniger/als Nestorium selbst/falsch vnd verbannet gehalten/biß so lange er Nestorij Lestierung verdampfte/vnd mit eigener hand bezeugete/das er mit Cyrillo aller dinge der Lehre wider Nestorium vnd sonst einig were. Eben solches ist auch Paulo Emisseno begegnet vnd widerfahren/vnd hat damals der alte Gottfürchtige Lehrer **Maximus**

Z v

minus